



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

I. Agendum dein de jure Reguliæ. Quid sit jus illud, & in quo consistat.
Regalia dividitur in temporalem & spiritualem.

urn:nbn:de:hbz:466:1-15617



LIBER OCTAVVS.

CAP V T PRIM V M.

Synopsis.

I. Agendum dein de jure Regalie. Quid sit jus illud, & in quo consistat. Regalia dividitur in temporalem & spiritualem.

II. An jus illud per omnes Ecclesias cathedrales huius regni diffundatur, an vero ad certas quasdam restrictum sit. Quid anno millesimo sexcentesimo octavo placitum Parlamento Parisiensi. Rex Henricus quartus prohibuit ne deinceps Parlamentum hujus controversia cognitionem susciperet; quam sacri Confessorij judicio permisit.

I. **D**E Regaliū jure tractatores à nominis ipsius vel potius à rei per nomen significatae origine dissertationes auspicari recta methodus omnino viderunt exigere. Sed interim seposita de vocabulo ipso in alium locum opportuniori dispensatione, quid illo significetur in hac materia quam aggredimur, paucis explicandum est.

Ius itaque Regaliū est jus Regi competens ad fruendum redditibus qui ad Ecclesias cathedrales sede vacante pertinent, donec novus Episcopus, fide Regi præstata, Ecclesie possessionem adipiscatur. Competit quoque jus ad conferendum Præbendas aliaque Beneficia quibus animarum cura non incumbit. Quare Pragmatici dividunt Regaliā (ut ipsi loqui solent, quam dictiōnem nos quoque deinceps usurpabimus.) in temporalem & spiritualem. Ad illam referunt redditum temporalium fruitionem; ad istam vero, Beneficiorum collationem, quæ literis regiis fieri consuevit.

II. Porro insignis controversia ab aliquot annis excitata est, an jus istud per omnes Ecclesias cathedrales universi regni dif-

Tom. II.

III. Relicti autem intelligi non potest hec controversia quin ad antiquitatem recurratur, instituta videlicet comparatione antiqui juris & novi.

IV. Vasta est & nobilis controversia isthac, id est que accurate describenda.

V. In antecessum autem agendum est de electionibus canonici Episcoporum, quatenus regis auctoritatis sive assensus regi mixtione olim ea materia admettebat. Tum de Investituris. Et de juramento quod vocant fidelitatis.

fundatur, an vero ad certas quasdam restrictum sit. Cujus quidem decisiō quæstionis, cùm variis senatus Parisiensis consultis in longiore deliberationem protracta fuisset, tandem anno M D C V I I I . judicio lato in auditorio publico, adversus Ecclesias omnes pro regiū juris confirmatione promulgata est. Contra sententiam illam, quia plurim Ecclesiarum libertas pessum dabatur, clerus Gallicanus apud Henricum quartum optimum Regem graviter conquestus est, & literas negoti illius avocatorias obtinuit, quibus, cognitione illa interdicto senatu, Ecclesiarum quæ se ab eo jure immunes profiteruntur status Consilij sanctioris judicio permisus est.

VI. Sed juris regi & immunitatum ex adverso propositarum plenissima cognitione imbuī non possumus nisi ab exordio narrationem per seculorum seriem diligenter expansam contexamus, instituta comparatione inter Iuris canonici regulas & juris regi novitatem; unde possumus addiscere quo tempore, & quibus de causis, à veteri & recepto jure discessum sit. Per viam illam regiam pergentibus difficile erit à vero aberare: cuius dignitatem hac in re violent qui

B B b